

真誥卷之十四

定四

真誥卷之十四

定四

金闕君司命蓬萊都水監梁國師真真人華陽隱居陶弘景造

稽神樞第四

大茅山之西南有四平山俗中所謂方山者也其下有洞室名曰方臺洞有兩口見於山

外也與華陽通號為別宇幽館矣得道者處

焉比山去大茅山可二十許里西南六七里有

洞中因與呼為青龍洞山近上及北面西面

亦並有洞穴同不知何者是此兩口耳山上

又有泉水冬夏不竭山也甚多南燭今積金山  
以號為四平及方山也  
東館中諸道士所資為藥也  
其中先止者

有張祖常劉平阿呂子華蔡夫生龍伯高並處于方臺矣

張祖常者彭城人也吳時從北來得入此室祖常託形墮車而死故隱身幽館而修守一之業師事上黨鮑察者漢司徒鮑宣五世孫

定四

也察受道於王君

鮑宣漢司隸校尉為王莽所害宣子永永子昱昱子

某

劉平阿者無名姓名姓不示人也漢末為九江平阿長故以為號行醫術有功德救人疾  
病如已之病行遇仙人周正時授以隱存之

道託形履帽而來居此室常服日月晨炁顏  
色如玉似年三十許人

耳戴孟之本族乃亦已陳之在後矣

二君何容不知其本名既示不欲復說之

呂子華者山陽人也陰君弟子已服虹丹之

液而未讀內經來從東卿受太霄隱書而誦

之常以幽隱方臺為樂不願造于仙位也

蔡天生者上谷人也小為嘯父賣雜香於野

外以自業贍情性仁篤口不言惡道逢河伯

少女從天生市香天生知是異人再拜上一

檐香少女感之乃教其朝天帝玉皇之法遂

以獲仙託形舄杖隱存方臺少女今猶往來之也天生師之

龍伯高者後漢時人漢伏波將軍馬援戒其兄子稱此人之佳可法即其人也伯高後從仙人刁道林受服胎炁之法又常服青飢方

定四

二

託形醉亡隱處方臺師定錄君也

伯高名述京兆人漢

建武中為山都長擢至零陵太守馬援征南曰遺兄子嚴書曰龍伯高敦厚周慎口無擇言謙約節儉廉公有威吾愛之重之願汝曹効之効伯高不得猶為謹勅之士謂刻鵠不成尚類也雷平山之東北良常山之東南其間

有燕口山三小山相隅故也一名曰方隅山

下古人曾合九鼎丹於此間也幽人在此時

心樂居焉今常遊此方隅山下亦有洞室名

曰方源館亦有二口常見外也常有此五人

為旅其山即是大橫西南別有二墩壠相聚

即此矣幽人者掾去世後不欲顯名故號為幽人此是未受事且停洞館修業也山今

亦有兩小口五人為旅即向之四平山者既

去來相通故時共遊處也所以楊君夢掾云

向從四平山來也右六條是鹿迹山中有絕

手新寫應是保命君所告也

洞絕洞者纔有一二畝空地無所通達故為

絕洞洞室四面皆有青白石亦以自然光明

如絲舊作繖張形下正平自有石牀石塌曲

夾長短障隔分別有如刻成亦整盛也東北  
有小口纔劣容人入入二三百步乃得洞室  
初入口甚急愈入愈寬大也口外南面有三  
積石積石下有沂索即可得也亦或以一小  
石掩穴口穴口大小俱如華陽三便門便門

定四

三

亦用小石塞其口自非清齋久潔索不可得

鹿跡洞子亦爾不受穢氣故也

此山今屬南  
徐州界正對

茅山北望見之亦有道士住鹿跡在石上故  
仍以爲名洞口處乃可知而甚嚴潔亦無人  
敢觸冒者此云如華陽三便門南洞鹿跡  
北洞本大開餘東西及東南皆是塞矣鹿跡

華山中及洞主有謝稚堅王伯遠繁陽子號

名耳是漢越騎校尉何苗叔達也進之同母

弟少好道曾居河東繁山之南服食故自號

為繁陽子

中君答長史問葛玄云在蓋竹山恒與謝稚堅相隨今稚堅乃在此

不知為去來往還為當兩人同姓名也後漢

書云何苗是何進異母弟為車騎將軍黨附

閹勢進被害時苗於朱雀閣下與進將吳匡

戰死被斬董卓又破棺出尸支解之既非故

為兵解去不知那遂得來居此其母亦被刑

苗既非進同生官位復異具苗而字達於義

不類恐別是一弟不又有馮良馮良南陽寇

必是名苗戰死者耳

軍軍人少作縣吏年三十為尉從佐迎督郵

自恥無志因毀車煞牛裂敗衣幘遂去從師

受詩傳禮易復學道術占候家中謂已死十



五年乃還整修志節抗操嚴恪州郡禮辟不  
就詔特徵賢良高第半道委之還家時三公  
爭讓位於良遂不降就年六十七乃棄世東  
渡入山今在鹿跡洞中

後漢安帝時人也漢書所載事亦略同

又有郎宗者字仲綏北海安丘人少仕宦為

吳縣令學精道術占候風炁後一旦有暴風  
經窻間占知京師大火燒大夏門遣人往參  
果爾諸公聞之以博士徵宗宗恥以占事就  
夜解印綬負笈遯去居華山下服胡麻丸得

道今在洞中

後漢書載郎宗事云理京房易善星筭風角六日七分能望氣

占候吉凶常賣卜自奉安帝徵對策為諸儒  
表後拜吳令時卒有暴風宗占知京師當有  
大火記識日月遣人參候果如其言諸公聞  
而表上以博士徵之宗取以占驗見知徵書  
到夜懸印綬於縣庭而遯去遂終身不仕子  
顛字稚元傳父業研精學徒常數伯人順帝  
陽嘉二年徵詣闕上書十一事拜其餘其王  
郎中還家後為同縣孫禮所害

定四

四

叔明鮑元治尹蓋婦之徒復二十餘人並在

北山不能復一二記之也此數人是絕洞諸

山之主耳此絕洞仙人亦思得學道者欲與

之共處於洞室因時无其人耳此洞既无所通達正是地

仙棲處必非三十六天之限也道喪由簪良可哀矣寓家辱

人哉簪者謂人貪仕宦衣冠坐此不得務道

懲不去實足辱敗人矣  
此亦諷誘於長史耳

右保命君告 右三條  
揚書

范帥云三官有獄官不名廷尉名大理李豐

今為大理都餘一守缺以擬王附子不以與

許虎也守職如今獄之三官也 李豐字安國  
改字宣國馮

翊人李義子本寒微有才志遂事魏為尚書

僕射尉與夏侯玄謀廢晉景王事池召來令

人以刀鐸撞腰煞之大理當為大理即古之

獄官前漢洎魏時廷尉亦名大理此職是仙

官也王附子是王公之

小名許虎即虎牙也 鮑靚因吾屬長史鼠

子輩既爾可語郡守令得反映亦屬吾其家

比衰欲非可奈何可寫存之耶 鼠子恐是鮑  
靚小名鮑為

南海郡仍解化兒輩未得歸都  
所以屬之鮑即許先生之師也

右二條有楊書

武當山道士戴孟者乃姓燕名濟字仲微漢  
明帝末時人也夫為養生者皆隱其名字藏  
其所生之時故易姓為戴託官於武帝耳而

定四

五

此人少好道德不仕於世矣少孤養母母喪  
行服葬服闋遂入華陽山服朮食大黃及黃  
精種雲母雄黃丹砂芝草受法於清靈真人  
即裴冀州之弟子也得不死之道裴真人授  
其玉珮金鐺經并石精金光符遂能輕身健

行周旋名山日行七百里多所經涉猶未得

成仙人也戴乃授行玉珮金鐺而止不死而

云玄真亦其鈔要行之者神仙不死又與本

經不同及石精金光符既不為劍用則止是仙人郭子

華張季連趙叔達晚又有山世遠者此諸人

往來與之遊焉昔居武當今來大霍欲從司

命君受書故未許焉山已得為太和真人則

餘三人不見戴公拍腹有十數卷書是太微

黃書耳此人即謝允之師也按金相傳太微

目錄云凡有八卷唯此一卷出世今戴公乃有十許篇亦為不同拍腹之義謂恒以繫腹

也其外傳事亦同此謝允字道通歷陽人小時爲人所略賣往東陽後告官被誣在烏傷獄事將欲入死夜有老公授其符又有黃衣童子去來於是得免咸康中至襄陽入武當山見戴孟孟即先來獄中者因是受道又出仕作歷陽新豐西道三縣所在多神驗年七十餘猶不老後乃告終也黃衣童子者即玉珮金鐺之官耳云坐上常有一人共坐臚者應是臚臚不明狀也即

太極真人時往來也

按說如此似答問黃衣童子意亦可是午時既及

謝因此面訪其事

受行玉珮金鐺經自然致太極真人諺云服

九靈日月華得降我太極之家此之謂也玄

真之法亦其鈔要也行之者神仙不死裴真

人有弟子三十四人其十八人學佛道餘者

學仙道應作牖字弟子劉顯

周真人有十五人弟子四人解佛法入室弟子王瑋

達李建道  
泉法堅

桐栢有二十五人弟子八人學佛入室弟子于弘智竺

法靈鄭文成陳元子此當略舉標勝者耳  
辛泉于竺皆似胡姓也當是學佛弟子也

右八條有緣寫共一篇相連

霍山中有學道者鄧伯元王玄甫受服青精

石飯吞日丹景之法用思洞房已來積三十

四年乃內見五藏冥中夜書以今年正月五

日太帝遣羽車見迎伯元玄甫以其日遂乘

雲駕龍白日登天今在北玄圃臺受書位為

中嶽真人

伯元吳人  
玄甫沛人

華陰山中有學道者尹

虔子張石生李方回並晉武帝時人授仙人  
管成子蒸丹餌朮法俱服得延年健行又受

蘇門周壽陵服丹霞之道行已五十年精心

內視不復飲食體骨輕健色如童子以今年

二月十二日太一遣迎以其日乘雲升天今

在玄州受書為高仙真人張石生為東源伯

衡山中有學道者張禮正治明期二人禮正



以漢末在山中服黃精顏色丁壯常如年四十時明期以魏末入山服澤瀉栢實丸乃共同止巖中後俱授西城王君虹景丹方從來服此丹已四十三年中患丹砂之難得俱出廣州為沙門是滕舍為刺史時也遂得內外

定四

七

洞徹眼明身輕一日行五百里又兼守一守一亦已三十年以三月一日東華遣迎以其

日乘雲升天今在方諸廳室俱為上仙

滕舍以永

和十年甲寅年為廣州刺史此得仙乙丑歲十二年是為前服丹已三十二年猶更出查也

卷之十

廬江潛山中有學道者鄭景世張重華並以  
晉初受仙人孟德然口訣以入山行守五藏  
含日法兼服胡麻又服玄丹久久不復飲食  
而身體輕強反易故形以今年四月十九日  
北玄老太一迎以雲輶白日升天今在玄州  
括蒼山有學道者平仲節河中人以大胡亂  
中國時來渡江入括蒼山受師宋君存心鏡  
之道具百神行洞房事如此積四十五年中  
精思身形更少體有真炁今年五月一日中  
央黃老遣迎即日乘雲駕龍白日升天今在

滄浪雲臺

大胡亂者是劉淵劉總時也石勒為小胡

剡小白山中

有學道者趙廣信陽城人魏末來度江入此山受李法成服炁法又受師左君守玄中之道內見五藏徹視法如此七八十年周旋郡

國或實樂出

人

月

山

山

山

山

丹砂作九華丹丹成一服太一道君以今年六月十七日遣迎停三日與山中同志別去遂乘雲駕龍白日登天今在東華海中有狼五山中有學道者虞翁生曾稽人也昔受仙人介君食日精法以吳時來隱此山兼行雲

炁迴形之道精思積久形體更少如童子今

年七月二十三日東太帝遣迎即日乘雲升

天今在陽谷山中狼五山在海中對白章岸今直呼為狼山赤水

山中學道者朱孺子吳末入山服菊花及木

餌後遇西歸子從乞度世西歸子授以要言

定四

入室存泥丸法三十年遂能致雲雨於洞房

中今年八月五日西王母遣迎即日乘五色

雲車登天今在積石臺赤水山云在鄯縣南十里從楠谿口入三

百里山正赤週迴五十里高千餘丈如此則應是臨海永嘉東北名赤巖者也許先生所

住赤山一名

燒山即此名山五嶽中學道者數百萬入

今年有得道而升天者人名如列年年月月  
皆有去者如此不可悉紀今為疏一年之得  
道人耳有不樂上升仙而長在五嶽名山者  
乃亦不可稱數或為仙官使掌名山者亦復  
有數千

九月二十日夜清靈疏出

右八條有錄寫  
共一卷相隨清

靈猶是裴清靈也此九月即應  
是乙丑歲即疏其年中得道者

吳睦者長安人也少為縣吏掌局枉剋民人  
民人訟之法應入死睦登委叛遠遁山林餓  
經日行至石室遇見孫先生在室中隱學左

右種黍及胡麻室中恒盈食睦至乞食經月  
不去孫先生知是叛人初不問之與食料理  
及誦經講道說及禍福睦聞之於是心開意  
悟因叩頭自搏列其事源立身所行自首事  
實求得改往遂留石室為先生掃除驅使經

定四

九

四十年後先生受其道俱採藥服食胡麻精  
修經教得三百二十年服丹白日升天朱牝  
者陳留人也為人無道專作劫盜後人發覺  
收掩牝得逸出遠他境至汝南少室山中見  
馮先生隱學云後三年乃受其真仙留山服

食修道三十八年後入東阮山中壽百四十  
七歲仙人降將入大有山洞中成真入郭靜  
者潁川人也少孤無父母兄弟窮苦依棲無  
所年十六縣召爲吏後得罪仍逃伏經二月  
日不出遇見鄭先生救度一切以法勸化之  
靜遂隨鄭負檐馭使經七年不敢懈怠遂受  
其導引之要餌服山朮茯苓得壽三百歲復  
於天維山赤松子降受其二人真道今在大  
有洞中爲真人

范伯慈者桂陽人也家本事俗而忽得狂邪

因成邪勞病頓卧床蓆經年迎師解事費用  
家資漸盡病故不愈聞大道清約無所用於  
是意變聞沈敬作道士精進理病多驗乃棄  
俗事之得五十日病疾都愈云云後詣陸玩  
之受真內道玩之不能入山伯慈不樂於世

遂辭去入天目山服食胡麻精思十七年大

洞真仙司命君下降受三十六篇經後服還

丹白日昇天今為玄一真人

所注云云云處  
是抄事人不能

併取非本闕也  
有四條有人於  
東間鈔得云  
是真書而不知  
誰跡亦無所受  
者而辭旨有  
用故紀續之又  
此四人各有所  
明一則酷吏  
二則凶劫三則  
孤榮四是事俗  
並世間薄運



遠能得道足知心之所造非關善惡者也

司馬季主後入委羽山石室大有宮中受石精金光藏景化形法於西靈子都西靈子都者太玄仙女也其同時今在大有室中者廣

定四

季正俱受師西靈子都之道也季主臨去之際託形枕席為代己之像墓在蜀郡成都升盤山之南諸葛武侯昔建碑銘德於季主墓前碑讚末曰玄漠太寂混合陰陽天地交泮萬品滋彰先生理著分別柔剛鬼神以觀六

度顯明

真誥經註

云季主咽虹液而頭足異處劍

託形枕席為代己之像似當是作錄形靈九

也

廣甯鮑叔陽者漢高帝時趙王張耳張敖之

大夫也少好養生服桂屑而卒死於廁溷間

今墓在遼東薊城之北山

漢高置燕郡以薊屬燕當是未分時

也太原王養伯者漢高呂后攝政時中常侍

中瑯琊王探也少服澤瀉與留侯張良俱採

藥於終南山而養伯不反遂師事季主

前漢中常

侍不用闕人中郎非侍郎穎川劉瑋惠漢景

之官或是後別為此位耳

帝時公車司馬劉諷也後事季主晚服日月  
炁為入室弟子道成晚歸鄉里託形杖履身  
死桑樹之下今墓在汝南安城縣西山岱郡  
段季正本隱士也不聞有所服御晚乃從季  
主學道行度秦州瀾水拘得尸而葬川邊今

定四

十一

南鄭秦川是也此人亦季主入室弟子

尋此四人

並是用靈九  
雜解之道

季主一男一女俱得道男名法

育也女名濟華今皆在委羽山中濟華今日  
正讀三十九章猶未過竟此理亦  
欲難詳季主讀玉  
經服明丹之華挹扶晨之暉今顏色如二十

女子鬚長三尺黑如墨也昨日東卿君道此

如所疏真奇事也不知果云何耳此一行楊君自記與

長史不知之辭或云別有以季主託形隱景潛跡委羽紫

陽傳具載其事也昨夜東卿至聊試請問季

主本末東卿見答令疏如別為以上呈願不

怪之省訖付火此楊君與長史書今有華撰周君傳記季主事殊略未見

別真手書傳依此語則為非也此前行是後聖李君

紀也大都與前者略同然東卿復兼有注解

注解近萬餘言大奇作也昨來多論神化之

事聊及季主耳去月又見授神虎經注解注

解非世間所聞亦自不掌其旨也若更聞如

季主比者自當密白此亦楊君與長史書也

相次不復出置下卷長史撰真仙傳欲以季

注二經並主宗在前所以楊君為請問本末也司命所

右十條有楊書

范安遠適云湛子不事齊齊師伐之春秋傳

曰湛无禮也此則左傳上事湛字作譚字音

所減不知何故迷莊子師長桑公子授其微

言謂之莊子也隱於抱犢山服北育火丹白

日升天上補太極闡編郎長桑即是扁鵲師

事見魏傳及史記

世人苟知莊生如此者其書彌足可重矣施存者齊人也自號婉

盆子得道變化景之道今在中岳或少室往

有壺公正此人也然未受太上書猶未成真

焉其行玉斧軍火符是其所受之枝條也施

存是孔子弟子三千之數三千之限有此人而不預七十二者

定四

明夫子不以仙為教矣壺公即費長房之師軍軍火符世猶有文存有三條有揚書九

疑真人韓偉遠昔受於中嶽宋德玄德玄者

周宣時人服此靈飛六甲得道能一日行三

千里數變形為鳥獸得玄靈之道今在嵩高

偉遠久隨之乃得受法行之道成今處九疑

山  
其女子有郭芍藥趙愛兒王魯連等並受此  
方法而得道者復數十人或遊玄州或處東  
華方諸臺今見居也

南嶽夫人言此云郭芍藥漢度遼將軍東平

郭蹇女也少好道篤誠真人因授其六甲趙  
愛兒者幽州刺史劉虞別駕漁陽趙該姊也  
好道得尸解後又受此符王魯連者魏明帝  
城門校尉范陽王伯綱女也亦學道一旦忽

委聳李子期入陸渾山中真人授此法子期

者同州魏人清河王傅也其常言此婦狂走

云一旦失所在此事乃出靈飛六甲漢大將

軍霍光有典衣奴子名還車伺見二星得年

六百歲今猶在焉此事出方諸洞房經後長

年并州刺史畢軌送漢度遼將軍范明友解

走四

十三

霍顯者光祿小妻胡友妻是光吞琅玕之華

而方營丘墓者衍門子高丘子洪涯先生是

也衍門子墓在漁陽潞縣幽州漁陽有潞縣

門即羨高丘子墓在中山聞喜縣中山有安

乃屬洪涯先生墓在武威姑臧縣涼州記作



此三郡縣人並云上古死人之空塚矣而不  
知高丘子時以尸解入六景山後服金液之  
末又受服琅玕華於中山方復託死乃入玄  
州受書為中嶽真人于今在也

衍門子今在蒙山大洞黃金之庭受書為中

元仙卿洪涯先生今為青城真人

漱龍胎而死訣飲瓊精而叩棺者先師王西

城及趙伯玄劉子先是也

王君昔用劍解非  
龍胎諸丹恐瓊精

即是曲  
晨耳

服金丹而告終者臧延甫張子房墨

狄子是也

挹九轉而尸梟吞乃圭而虫流司馬季主甯

仲君燕昭王王子晉是也

桐栢亦用劍解當是此吞刀圭者非

九轉也司馬季主亦以靈丸作兵解故右英云頭足異處燕昭學仙而不見別跡景純云

无靈炁則為先究其事矣周穆王北造崑崙之阿親飲絳

山石髓食玉樹之實而方墓乎汲郡

此則穆天子傳

所載見西王母時也

夏禹詣鍾山啖紫柰醉金酒服靈

寶行九真而猶莖於會稽

此事亦出五符中茅傳又云受行玄

法真之比戎長胡大王獻帝舜以白琅之霜十

轉紫華服之使人長生飛仙與天地相傾舜

即服之而方死莖蒼梧之野此諸君並已龍

奏靈阿鳳鼓雲池矣而猶尸解託死者欲斷  
以生死之情示民有終始之限耳豈同腐骸  
太陰以肉餉螻蟻者哉直欲遏違世之夫塞  
俗人之願望也古來英聖之王唯未見顯堯  
及湯得道及鬼官之迹耳  
至於青精先生彭鏗鳳網南山四皓淮南八

定四

十四

公並以服上藥不至一劑自欲出處嘿語肥  
遁山林以遊仙為樂以升虛為戚非不能登  
天也弗為之耳此諸君自展轉五嶽改名易  
貌不復作尸解之絕也鏗則彭祖名也青精  
亦出彭傳及王君傳  
飢飯方中鳳網并軒轅自採首山之銅以鑄  
諸仙人各有別顯

鼎虎豹百禽為之視火參鑪鼎成而軒轅疾

崩葬喬山五百年後山崩空室無尸唯寶劍

赤鳥在耳一旦又失所在也列仙傳云御龍攀髯及子晉馭

鵠並為不同亦可是化後更出而為之也王子者帝侖也曾詣鍾

山獲九化十變經以隱遁日月遊行星辰後

一旦疾崩營塚在渤海山夏中衰時有發王

子墓者室中無所有唯見一劍在北寢上自

作龍鳴虎嘯之聲人遂無敢近者後亦失所

在也帝侖則堯父外書作警字王子喬墓在京陵戰國時

復有發其墓者唯見一劍在室人適欲取視

忽飛入天中也樂巴昔作兵解去入林慮山

中積十三年而後還家今在鵠鳴赤石山中

漢書云巴為桂陽豫章太守後下獄死  
當仍是用靈丸解云也亦出仙傳中

右此三條皆出掾寫劍經中經非可輕見

既是說諸仙人事迹隱居謹抄出以相輔

定四

十五

### 類耳

至人焉在艮曜南辰含靈萬世乘景上旋化

成三道日月為隣實玄實師號曰元人變成

三老友帝之先安知至人不有來遊觀化兆

間混俗為傳釋羽沉鈴安此南場豈將好兆

染俗久留

七聖玄紀中云赤君下教變迹作沙門與六弟子俱皆顯姓名也

為世染俗不適生期赤怪潛駭三柱為災賢

者南遊三嶽是之玄君來行人其誰知

赤怪則焚

惑星也三柱者五車星中三柱也

陸屢反在元炁為元君在玄宮

為玄師在南辰為南極老人在太虛為太虛

真人在南嶽為赤松子此乃天帝四真人之

師太一之友

此四條是長史抄出不審本是何經書中事並是說南嶽赤君

下教之旨師友之日小異諸經

相栢山高萬八千丈其山八

重周迴八百餘里四面視之如一在會稽東

海際一頭亞在海中金庭有不死之鄉在桐

栢之中方圓四十里上有黃雲覆之樹則蘇  
珥琳碧泉則石髓金精其山盡五色金也經  
丹水而南行有洞交會從中過行三十餘里  
則得此山今在剡及臨海數縣之境亞海中  
者今呼括蒼在寧海北鄞縣南金庭則  
前右弼所稱者此地在山外猶如金靈而  
寺過之今人無正知此處聞採藤人時有

入之者臨隙甚多自可尋求然既得已居吳  
安能復覓越所以息心栢栢真人之官自是  
洞天內耳

紫微夫人言

右一條某書

八溇山高五千里周帀七千里與滄浪方山

相連比其下有碧水之海山上有乘林真人

鬱池玄宮東王公所鎮處也此山是琳瑯衆

玉青華絳實飛間之金所生出矣在滄浪山

之東北蓬萊山之東南

此即扶桑大帝所居也方山即方丈山也

海中山名多載在五嶽序中耳

方丈之西北有陰成大山滄

定四

十六

浪西南有陽長大山山周迴各一千四百里

高七百里其山多真仙之人所居處焉此二

山是陽九百六曆數之標揭也百六之運將

至則陽長水竭陰成水架矣陽九之運將至

則陰成水竭陽長水架矣頃者是陰成山水



際已高九千丈矣百六之來無復久時水陰成  
出山高則是高乃應云陽九而言百六似是  
誤言亦可是水起際如此高非先水退際爾  
但水性平又非湍瀨二山相去  
不遠未解那得頓孤懸如此

### 右二條有長史寫

未至廟第一高山西頭龍尾北沂洪水一所  
發地長六丈餘廣五丈入土六尺水流勢撻  
地二百餘步去路三里對廟後第二高山西  
頭沂洪水一所發地長四丈餘廣三尺餘入  
土四尺水勢撻地三百餘步去路二里近廟  
後沂脇一所洪水發地長五丈餘廣四丈餘

入地二尺餘水勢流入河中去廟一百五十步

右蔣山北凡三處發洪水流勢西北行

此三條是異迹既不見真手未審是非又不知此發洪當是何時事山南乃經有發處以

定四

十七

積石塞之世呼為蔣侯飲馬河而山後不見有此或當是將來期運之時乎

真誥卷之十四



